

გუნდი არასტაბილურად თამაშობს

თბილისი "ლოკომოტივის" სტადიონი 27 ივნისი

"დინამო" გოგია, ძოძუაშვილი, კანთელაძე, ხურცილავა, ხინჩაგაშვილი, პეტრიაშვილი (გავაშელი), მ. მაჩაიძე. მჭედლიშვილი (ლ. ნოღია), გუცაევი, გ. ნოღია, წერეთელი.

"სპარტაკი" პროხოროვი, ლოგოფეტი, ოლშანსკი, ლოფჩევი, აბრამოვი, კისილიოვი, ზენკოვი, ბულგაკოვი (მირზოევი), პისკარიოვი, პაპაევი, რედინი.

მსაჯი ა. ივანოვი (ლენინგრადი).

ახლა, როცა თბილისის "დინამო" სსრ კავშირის თასის წლევეანდელი გათამაშების მიღმა დარჩა და მხოლოდ მაყურებლის როლით უნდა დაკმაყოფილდეს, გვახსენდება პირველი მერვედფინალური მატჩი მოსკოვში, "სპარტაკთან". სპარტაკელები მაშინ ბევრად გვჯობდნენ და უკეთეს შედეგს (2:1) მათს სასარგებლოდ ვერც ვინატრებდით. წერეთლის მიერ შეხვედრის დასასრულს გატანილმა გოლმა ჩვენს გუნდს გარკვეული შანსი შეუქმნა სარეგულაციოდ. გაიმარჯვე შინ, სულ ცოტა ანგარიშით 1:0 და მეოთხედფინალის გზაც ხსნილია!

მაგრამ გამარჯვებას, თუნდაც ამ მოკრძალებული ანგარიშით, არავინ გაჩუქებს, მით უმეტეს, თასის ისეთი გამოცდილი მებრძოლი, როგორც "სპარტაკია". მოგებისთვის საჭიროა თავგამოდებული, ენერგიული ბრძოლა პირველი წუთიდანა ბოლომდე. მთელი მატჩის განმავლობაში, დინამოელებმა კი ამ აუცილებელი საქმის მხოლოდ ნახევარი გააკეთეს, რიგინად მხოლოდ პირველ ტაიმში ითამაშეს, ხოლო მეორე მლიანად დაუთმეს სპარტაკელებს, რომლებმაც, რა თქმა უნდა, არ დააყოვნეს ესარგებლათ ამ "საჩუქრით" და მეოთხედფინალში მონაწილეობის უფლება მოიპოვეს.

მატჩი თბილისელებმა საუცხოოდ დაიწყეს. მთელი გუნდი მობილიზებული და საბრძოლოდ განწყობილი ჩანდა. 5 წუთიც არ იყო გასული და სტუმრების კართან ორჯერ შეიქმნა საგოლე მომენტი. მაჩაიძის ძლიერი დარტყმისა და გ. ნოღიას გარღვევის შემდეგ, მე-6 წუთზე კი შუა მინდორში გათამაშებული მრავალსვლიანი კომბინაციის შედეგად წამით ღიად დარჩა მჭედლიშვილი. მან ზუსტად და ძლიერად დაარტყა -1:0.

1:0 მე-6 წუთზე! ამ წარმატებას მოჰყვა თბილისელთა ახალი იერიშები, "სპარტაკის" დაცვა და მეკარე პროხოროვი მთელი ტაიმის მანძილზე დაძაბული იყვნენ. მე-17 წუთზე გუცაევს შეეძლო ანგარიშის გაზრდა შემდეგ ასეთივე შესაძლებლობა მიეცათ გ. ნოდისას, მაჩაიძეს, მჭედლიშვილს, კვლავ გუცაევს და მოსკოველებმა შვებით მხოლოდ მაშინ ამოისუნთქეს, როცა 45 წუთი გავიდა და მსაჯმა შესვენების ნიშანი მისცა.

დანარჩენი მეორე ტაიმში უნდა მომხდარიყო და მოხდა კიდევ, მაგრამ, სამწუხაროდ, არა მასპინძელთა, არამედ სტუმრების სასარგებლოდ. დინამოელებმა უცებ დათმეს თავიანი დიდი უპირატესობა და ამაში უმთავრესი დანაშაული თავდამსხმელებს მიუძღვით. მათი უწინდელი საბრძოლო განწყობილების და აგრესიულობისა ნატამალიც არ დარჩა. წერეთელმა ვერაფერი გაანყო გამოცდილ ლოგოფეტთან (თუმცა, სიმართლე უნდა ითქვას, მოსკოველთა მცველი აშკარად უხეშობდა), რის გამოც ეს უკანასკნელი შემტევ მოთამაშედ იქცა გ. ნოდია მთლიანად გამოეთიშა თამაშს, აღარც გუცაევი ასრულებდა სახიფათო გარღვევებს, ორიოდე გამონაკლისის გარდა. ასეთ ვითარებაში, როცა წინა ხაზზე ბურთი თითქმის არ ყოვნდებოდა, ნახევარდაცვას და დაცვას მძიმე დატვირთვა დაანვათ. ძალიან ბევრი იშრომა მაჩაიძემ, რომელსაც თავისი საჯარიმო მოედნიდან რამდენიმე მოწინააღმდეგეთ გარშემორტყმულს მოჰქონდა და მოჰქონდა წინ ბურთი. მხარდაჭერა ფორვარდების მხრივ მას არ ჰქონდა, არავინ იხსნებოდა, არავინ ცდილობდა გაეგრძელებინა მინდვრის სიღრმიდან წამოწყებული იერიშები. გაჭირვებით იგერიებდნენ სპარტაკელთა შეტევებს მცველები, მაგრამ 45 წუთს ბურთს იგერიებდნენ და უგოლოდ გადაარჩენ, ძალიან ძნელი საქმეა. დინამოელებმა მდგომარეობის სახსნელად ორი შეცვლა მოახდინეს, თუმცა, სიმართლე რომ ითქვას, ამ ცვლილებათა შემდეგ გუნდის თამაში კი არა გამოსწორდა, გაუარესდა.

სპარტაკელები განუწყვეტელ შტურმს აწარმოებდნენ მინდვრის მთელს სივანეზე და მათი ენერგიული ცდა ბოლოს გოლითაც დამთავრდა, რომელიც კისილიოვმა გაიტანა. 72-ე წუთზე ხსნის ერთადერთი საშუალება დინამოელებს მიეცათ მაშინ, როცა წერეთელმა წინ გამოსულ პროხოროვს თავს ზემოთ გადაუგდო ბურთი, მაგრამ მას ზედ კარის ხაზთან მიუსწრო ზენკოვმა და გადაარჩინა თავისი გუნდი.

თბილისის "დინამოს" გულშემატკივრები ერთობ უკმაყოფილონი წავიდნენ სტადიონიდან. ჯერ ერთი, 1973 წლის თასის გათამაშება ჩვენ უკვე აღარ გვხვება, მეორეც, ცხადია, თბილისელებმა ჯერ კიდევ ვერ მიაღწიეს თამაშის სტაბილურ საბოლოოდ ჩამოყალიბებულ ფორმას, ასეთს, როგორც სულ ახლახან გვიჩვენეს ერევნელებთან.

ლელი 30 ივნისი 1973 წ.